

Broj: 01-04-8-05038-12/2020
Datum: 9.1.2024. godine

BOSNA I HERCEGOVINA
INSTITUCIJA OMBUDSMENA ZA LJUDSKA
PRAVA BOSNE I HERCEGOVINE
n/r Ombudsmena za ljudska prava Bosne i
Hercegovine
Dubrovačka 6 71 000 Sarajevo

PREDMET: IZVJEŠTAJ FEDERALNE UPRAVE ZA INSPEKCIJSKE POSLOVE O
POSTUPANJU I PRIMJENI ZAKONA O SLOBODI PRISTUPA INFORMACIJAMA U
FEDERACIJI BIH, dostavlja se, .

Poštovani,

U skladu s obavezama predviđenim čl. 20 stav 3. Zakona o slobodi pristupa informacijama u FBiH („Službene novine Federacije BiH“ broj: 32/01, 48/11) dostavljamo Vam Izvještaj o postupanju i primjeni Zakona o slobodi pristupa informacijama FBiH, sačinjen od strane službenika za informisanje Federalne uprave za inspeksijske poslove.

Izvještaj je sačinjen za period oktobar-decembar 2023. godine, te isti uključuje i godišnji pregled i podatke o broju zaprimljenih zahtjeva tokom 2023. godine, vrsti traženih informacija, utvrđene izuzetke, odluke u prvostepenom odlučivanju i konačna rješenja, zajedno sa statističkom analizom, tendencijama i pokazateljima iz analitičkih parametara.

S poštovanjem!

U prilogu: *Izvještaj Federalne uprave za inspeksijske poslove o postupanju i primjeni Zakona o slobodi pristupa informacijama u Federaciji BiH za period oktobar-decembar i godišnji izvještaj za 2023. godinu*

Dostavljeno:


1 x Naslovu
1 x Arhiva



DIREKTOR


Mr. Anis Ajdinović

Akt sačinila:


Merima Tanović, dr.sci
Pomoćnik direktora u Kabinetu direktora

**IZVJEŠTAJ FEDERALNE UPRAVE ZA INSPEKCIJSKE POSLOVE O POSTUPANJU I
PRIMJENI ZAKONA O SLOBODI PRISTUPA INFORMACIJAMA U FEDERACIJI BIH ZA
PERIOD OKTOBAR -DECEMBAR 2023.GODINE**

a) PRAVNI OKVIR I PRETPOSTAVKE ZA PRIMJENU ZAKONA- OPĆE NAPOMENE

Federalna uprava za inspekcijske poslove je po pitanju pretpostavki za poštivanje prava na pristup informacijama javnog organa 2008. godine uspostavila inicijalni interni okvir proceduralnog ostvarivanja ovog demokratskog prava u smislu opredjeljenja za otvorenost i transparentnost djelovanja Uprave, te je nakon usvajanja izmjena i dopuna Zakona o slobodi pristupa informacijama iz 2011. godine, tokom 2018. godine uspostavljen i Indeks registar informacija u posjedu Federalne uprave za inspekcijske poslove¹ uz Vodič za pristup informacijama Federalne uprave za inspekcijske poslove² koji je sadržavao obrazac za pristup informacijama, dostupan u elektronskoj formi na službenoj web stranici Uprave. Usvajajući preporuke Institucije ombudsmena u BiH, kao i dobre uporedne i domaće prakse za unapređenje principa javnosti i transparentnosti, u junu 2023. godine donesen je novi Vodič za pristup informacijama Federalne uprave za inspekcijske poslove³, a sa integriranim Indeks registrom i pratećim obrascem za pristup informacijama, kojim se derogira formalizam u pristupu i osiguranju informacija kojim raspolaže ovaj javni organ, konkretizacijom okvira dostupnosti uz inkorporiranje odredbi upravnog postupanja kod elektronske komunikacije i dostavljanja.

Po pitanju poslova službenika za informisanje, od samog ustanovljenja dugotrajne prakse dosljednog poštivanja ovog propisa, riječ je poslovima koji su po ovlaštenju obavljali šef unutrašnje organizacijske jedinice ili pomoćnik rukovodica iz Sektora za pravne i opće poslove odnosno trenutno Kabineta direktora.

**Tabela 1. TABELARNI PREGLED BROJA ZAHTJEVA ZA PRISTUP INFORMACIJAMA
JANUAR DECEMBAR 2023. GODINE**

ZAHTJEVI ZA PRISTUP INFORMACIJAMA UPUĆENI FEDERALNOJ UPRAVI ZA INSPEKCIJSKE POSLOVE 2023. PO MJESECI/UKUPNO	
Januar 2023.	4
Februar 2023.	9
Mart 2023.	13
April 2023.	3
Maj 2023.	4
Juni 2023.	9
Juli 2023.	7
Avgust 2023.	5
Septembar 2023.	9
Oktobar 2023.	16
Novembar 2023.	13
Decembar 2023.	7
UKUPNO	99

¹ Akt broj: 01-02-1-0171-1/2018 od 12.3.2018. godine


² Akt broj: 01-02-1-0171/2018 od 12.3.2018. godine

³ Akt broj: 01-02-1-03192/2023 od 13.6.2023. godine

Svi zaprimljeni zahtjevi, kao i raniji zaostaci su riješeni u okviru roka predviđenog zakonom., osim u dijelu kraja septembra mjeseca, a zbog odsustva na bolovanju službenika za informisanje, kao i otežanog pristupa informacijama iz evidencija jednog od inspektorata Uprave, povodom čega su službeniku za informisanje dostavljena i kontrolna obraćanja nadležnog ministarstva pravde i Institucije ombudsmena po pritužbi podnosioca zahtjeva.

Strukturalna analiza zahtjeva za pristup informacijama podnesenih Federalnoj upravi za inspekcijske poslove u periodima januar-decembar 2023. i oktobar-decembar 2023. godine


Posmatrano na osnovi posljednjeg tromjesečja, službenik za informisanje Federalne uprave za inspekcijske poslove (pomoćnik direktora u Kabinetu direktora) je u oktobru 2023. godine zaprimio 16 zahtjeva za pristup informacijama, u novembru 2023. 13 zahtjeva, te sedam(7) zahtjeva u decembru mjesecu 2023. godine. Dakle, u četvrtom tromjesečju 2023. godine zaprimljeno je ukupno 36 zahtjeva, dok je do isteka trećeg tromjesečja tekuće godine od strane građana, udruženja, punomoćnika subjekata nadzora, te drugih domaćih i stranih pravnih lica podnesena su ukupno 63 zahtjeva za pristup informacijama (*dijagram 1. Mjesečni pregled zaprimljenih zahtjeva tokom 2023. godine*).



Dijagram 1. Mjesečni pregled zaprimljenih zahtjeva tokom 2023. godine

Ukupno posmatrano, bilježi se povećan broj zahtjeva koji se redovno upućuju u četvrtom tromjesečju godine (do cca.20%). Na nivou 2023. godine, ukupno je zaprimljeno 99 zahtjeva za pristup informacijama (*dijagram 2. Trogodišnji interval pregleda broja zahtjeva za pristup informacijama*).

Broj zahtjeva za slobodan pristup informacijama



Dijagram 2. Trogodišnji interval- broj zahtjeva za pristup informacijama 2021.- (94); 2022-(65); 2023- (99)


Strukturalno, u četvrtom tromjesečju je oko 80% zahtjeva za pristup informacijama upućeno od strane različitih nevladinih organizacija (udruženja/fonda za zaštitu okoliša; drugih pravnih i fizičkih lica koji se bave istraživanjem ili istraživačkim novinarstvom, itd.) i drugih pravnih lica/upravnih/strukovnih organizacija, cca. 10% zahtjeva upućeno od strane zainteresiranih fizičkih lica i oko 10% zahtjeva od strane advokata/advokatskih kancelarija u svojstvu punomoćnika pravnih lica-subjekata nadzora. Po pitanju sadržaja zahtjeva za pristup informacijama, veći broj zahtjeva se odnosi na detaljne informacije u vezi konkretiziranih predmeta inspekcijskog nadzora odnosno informacije iz domena odgovornosti i realizacije obaveza/evidencija drugih organizacionih jedinica Uprave (cca. 80%), dok se manjim brojem zahtjeva (cca. 20%) traži kopija akata iz spisa predmeta inspekcijskog nadzora ili drugog postupka iz nadležnosti Uprave (zapisnik o izvršenom inspekcijskom nadzoru, rješenje postupajućeg inspektora i drugi akti- analitički izvještaji, rezultati uzorkovanja, itd). Razmatrano na godišnjem nivou, najveći broj zahtjeva za pristup informacijama upućen je od strane nevladinih organizacija i drugih pravnih lica (60%), zatim advokata/advokatskih kancelarija kao punomoćnika zainteresiranih lica u različitim postupcima (20%), te fizičkih lica (20%).

S aspekta organizacijskih jedinica ove Uprave, predmetni zahtjevi u četvrtom tromjesečju uglavnom su upućeni za dostavljanje informacija iz nadležnosti Federalnog urbanističko-ekološkog inspektorata (20%), Federalnog vodnog inspektorata (20%), Federalnog šumarskog inspektorata (10%), Federalnog rudarsko, termo i elektro-energetskog inspektorata (10%) zatim Federalnog veterinarskog inspektorata (10%), Federalnog tržišnog inspektorata, Federalnog zdravstvenog inspektorata i Federalnog poljoprivrednog inspektorata (20%) i obaveza iz nadležnosti/evidencija ostalih organizacionih jedinica Uprave (10%). Također, u četvrtom tromjesečju su podnesena dva (2) prigovora na rješenje službenika za informisanje, koji su u zakonskom roku riješeni/odbijeni kao neosnovani.

Posmatrano hronološki na nivou 2023. godine, najveći broj zahtjeva za pristup informacijama je podnesen Federalnom urbanističko-ekološkom inspektoratu, Federalnom šumarskom inspektoratu, Federalnom vodnom inspektoratu, Federalnom tržišnom inspektoratu, Federalnom rudarsko, termo i elektroenergetskom inspektoratu, Federalnom zdravstvenom

inspektoratu, Federalnom veterinarskom inspektoratu, te Federalnom poljoprivrednom inspektoratu i Federalnom inspektoratu rada. Manji broj zahtjeva se odnosio na podatke iz evidencija drugih organizacionih jedinica Uprave, a tokom 2023. godine nije bilo zahtjeva za pristup informacijama upućenih Federalnom saobraćajnom inspektoratu i Sektoru granične inspekcije.

Izveštaj sačinio/la:


Službenik za informisanje
Dr.sci Merima Tanović